

2021 Chiam Bûn-seng Kàu-siū Tâi-gí Sin-thoân-siúⁿ tit-chióng kám-giân

Kang Têng-chhiū



Kok-ûi sian-chìn í-kip Tâi-oân Lô-má-jī Hiáp-hōe ê iú-chì ták-ke pêng-an. Tâi-seng kám-siā “Chiam Bûn-seng Kàu-siū Tâi-gí Sin-thoân-siúⁿ” chú-pân tan-ûi, hō góa ũ chit-ê ki-hōe, thang tī chia kóng chhut góa ê kám-sióng. Góa siōng-tōa ê kám-siong, sī góa pí chāi-chō ê sian-chìn khah-bân bó-gí kak-chhéⁿ, só-í, it-tēng ài pí-lâng koh-khah phah-piàⁿ, chiah tòe ē-tiōh chu-ûi sian-chìn ê kha-pō.

Koh-lâi, kóng-tiōh góa ê tâi-gí kak-chhéⁿ, sī tī 1996 nî khòaⁿ-tiōh chit-pún kiò-chò «Tâi-gí Sè-kài» ê chấp-chì, hiông-hiông hoat-kak ka-kī goân-lâi sī chit-ê tâi-gí ê chheⁿ-mê-gû. Ûi hit-chūn khai-sí, chiah chit-pō chit-pō tǎh-jíp tâi-gí chit tiâu lō. Chhím khai-sí chham-ka kok-chióng kah tâi-gí-bûn ũ koan-hē ê gián-sip, kàu āu--lâi chham-ka tâi-gí jīn-chèng khó-chhi, sòa-lòh, chìn-jíp sió-hāk kà tâi-gí, koh chit-bīn khi thāk gián-kiú-só. Ûi tâi-gí thiaⁿ kóng thāk siá ê piáu-hiân lêng-lèk, it-tit kàu tâi-gí tì-sek ê jīn-bat lêng-lèk, hō góa ũ choân-bīn ê tâi-gí choan-giáp, ē-tàng tī tâi-gí-bûn ê téng-bīn chò hōng-hiân, che sī góa chit-ê sī-chūn siōng hoaⁿ-hí tǎi-chì.

Sè-hàn kóng tâi-gí hō lâu-su kòa káu-pai-á kah hoạt-chiⁿ, siông-sin chin-chē lāng chham góa kâng-khoán. Hit-chióng bô-hó ê kám-kak, tì-sú ka-kī chhōa-bó seⁿ-kiáⁿ liáu-āu, bô-ài kà ka-kī ê gín-á kóng tâi-gí. Chin put-hēng góa tō sī chit-chióng lāng. Ka-chài goán nng-ê gín-á, ke-kiám ũ gōa-má tàu kò, chiah bô hō in tâi-gí ê chih tng--khi. Só-í ùi góa tâi-gí kak-chhéⁿ liáu-āu, kian-chhi ài kah in kóng tâi-gí.

Chòe-āu, góa siūⁿ beh hō koh-khah chē só-chai thiaⁿ ē-tiōh tâi-gí, beh hō tâi-gí koh-khah seng-oáh-hòa, m̄-koán chheⁿ-hūn iah-sī sèk-sāi, m̄-koán bīn-tui-bīn iah-sī kóng tiān-ōe, hui put-tit-í, it-tēng lóng iōng tâi-gí hām lāng tui-ōe, hō thau-khak lāi chiâu sī tâi-gí ê su-khó. Hi-bāng ták-ke kah góa kâng-khoán, hō ták só-chai lóng thiaⁿ ē-tiōh tâi-gí, sī thui-tōng tâi-gí siōng hó ê hong-hoat. Kám-siā ták-ke.

Kang Têng-chhiū

20211228 Tâi-tiong Pak-tūn Siōng-tek kok-sió

2021 Chiam Bûn-seng Kàu-siū Tâi-gí Sîn-thoân-siúⁿ tit-chióng kám-giân

Sơ Làn-tek

Góa Sơ Làn-tek 1959 nî chhut-sì, Ko-hiông Lữ-tek lêng. Tī 40 tang-chêng góa ê sîn-gióng tùi bîn-kan chong-kàu kái sîn Kì-tok liáu-âu, Tī 1984 nî su-tong-sī 26 hòe, Ū tī Lữ-tek Tiúⁿ-lô kàu-hōe òh Pêh-ōe-jī, Che tùi Tâi-gí kàu-hák ũ chin tōa ê pang-chân.

1995 nî 3--goêh chham-ka Tâi-lâm sîn-hák-īⁿ Siā-hōe gián-kiù-sô Tâi-gí-bûn su-chu-pan tē-it-kī. Kun-tòe Tīⁿ Jī-giòk bók-su ê kha-pō khai-sí kiâⁿ Tâi-gí-lō, Kàu taⁿ chiong-kīn 27 tang bô thêng-pō. Chit 20 kúi-tang bat tī kàu-hōe, pō-sip-pan, bîn-kan siā-thoân, siā-khu tãi-hák, kok-tiong-siô kà Tâi-gí. Bat tī Kok-bîn-tóng tiám-miâ chò kì-hō ê tē-hā tiân-tâi chú-chhi Tâi-gí kàu-hák ê chiat-bók. Tī hák-hâu kà Tâi-gí 20 tang, Ê-tit-thang kóng sī choân-chit ê Tâi-gí lâu-su. Siōng kah-ì ê hêng-chhù sī chí-tō hák-seng siá Tâi-gí-si kah piàn kī-sút(mô-sút), Gín-á-si ê chok-phín chhiau-kòe 1000 siú. Chio hák-seng lâi chham-ka Tâi-gí jîn-chèng mā sī góa ê choan-bûn-kho, Tâi-iok chio 2000 lêng lâi chham-ka Tâi-gí jîn-chèng. Chū-iū sī-pò, Tâi-oân kàu-hōe kong-pò, Kong-sī Tâi-gí-tâi mā bat lâi hák-hâu chhâi-hông góa kà Tâi-gí ê phiat-pō.



Chit-pái chin kám-siā Tân Kim-hoa lâu-su ê chhui-chiàn, hō góa ũ kì-hōe tit-tiōh Chit-ê chióng-siúⁿ. Kìⁿ-nā kiâⁿ--kòe lóng ē lâu-lòh kha-jiah, Tâi-gí-lō éng-oán bô thêng-pō, Tâi-gí-lâng kah kō-toaⁿ khùn kâng-pâng, Tâi-bûn-lâng pit-chiam kah lêng bô sio-kâng.

Tùi Iông-bêng kok-tiong kàu Tiân-tiong, Tùi Tiân-tiong kàu Tām-chúi Chin-lí tãi-hák, Kah Tâi-lô-hōe tàu-tin 20 tang. Tâi-gí sī góa ê bô, Góa beh pōe lí it-seng bô thêng kha-pō, Ū Tâi-gí ê lô-tô góa m̄-kiaⁿ kan-khó, Lán nng-lâng ê kám-chêng hō lêng him-bô, M̄-koán sī hong àh-sī hō, Lán lóng chhēng kâng chit-tiâu khò, M̄-koán thiⁿ jōa ơ hō lóh jōa chhơ, Ták-kang pōe lí khai-káng sàp-pō. Tâi-gí sī góa ê ang, Lí ê òe-gí siōng chheng-phang, Góa beh tōe lí chit-si-lâng, Kā lí lám-tiâu-tiâu lóng m̄ pàng, M̄-koán tōa-ke àh-sī sió-hāng, Éng-oán tah-sim pōe lí khai-káng, M̄-koán hong-thai àh-sī tē-tāng, Ták-kang tīⁿ-tòe pōe lí chhut-phâng. Tâi-gí sī góa ê chêng-jîn, Ū lí m̄-bián hái-bī san-tin, Ài lí bô-su-iàu goân-in, Ū lí tâng-kiâⁿ tak-kang hó lóh-bîn, Tâi-bûn siá-chok siōng-kài chhin, Sui-bóng Tâi-oân-lâng kah lí sio-siám-sin, Góa beh tī Tâi-oân kā lí thng-thoàⁿ têng-kin.

Kám-siā tak-ke ê thiàⁿ-sioh kah chi-chhi, Chiok Tâi-gí chá-jit chhut-thâu-thiⁿ.